

ՉԼՈՒՄ ԵՐՐՈՐԴ

ԱՐՏԱԴՐԱՄԻՋՈՑՆԵՐ

Մ.թ.ա. VI-IVդդ. ժամանակաշրջանի արտադրամիջոցները ներկայանում են շատ բնորոշ տեսակներով և բավարար քանակությամբ, որը հնարավորություն է ընձեռում դրանք քննարկելու առանձին խմբերով: Առավել բազմատեսակ և ամբողջական պատկեր են կազմում հողամշակման գործիքները՝ ներկայացված բրիչներով, մանգաղներով, աղորիքներով, սանդերով և սրոցաքարերով:

ԲՐԻՉՆԵՐ: Վաղ հայկական հուշարձաններից բրիչներ հայտնաբերվել են Թմբադիր (աղ. 34, 1) և Պիլոր պատ բնակավայրերից և ներկայցնում են հնագույն ժամանակներից հողագործության մեջ օգտագործվող ամենապարզունակ քարե ծայրապանով տեսակը: Այս բրիչները պատրաստված են տափակ գետաքարից, երկու կողմից ունեն փոսորակներ, փայտյա բռնակին միացնելու, կապելու համար: Ընդհանուր ուրվագծով հիշեցնում են սակրերի, արհեստականորեն ծեծված, խիստ աշխատեցված, կլորավուն բերանով: Թմբադիրի օրինակի կողային փոսորակները երկար օգտագործման հետևանքով խիստ հարթեցված են, վերին գլխային մասը՝ կլորավուն և մասսիվ է: Դրանով պայմանավորված գործիքի համեմատական ծանրությունը չի խոչընդոտում, ընդհակառակը, նպաստում է բրիչի սայրը հողի մեջ մխրճելու և հողի մի նշանակալի կտոր շուռ տալուն: Այսպիսի բրիչների օգտագործումը քիչ արդյունավետ էր, որի պատճառով, հավանաբար, հողը պետք է փորվեր 2-3 անգամ և փորելիս պետք է կիրառվեր ֆիզիկական մեծ ուժ, հողագործը պետք է անընդհատ ճնշում գործադրեր բրիչի կոթի վրա՝ այն հողի մեջ մխրճելու համար: Քարե այս բրիչները հայտնի են դեռևս էնեոլիթյան դարաշրջանից և շարունակել են օգտագործվել բրոնզե և վաղ երկաթի դարաշրջաններում՝ առանց էական փոփոխություն կրելու: Այսպիսի բրիչներ հայտնաբերվել են Կոշից, Արթիկից, պատահական ձևով Աղդամից, Մեծամորից, Խլաթից (216, էջ 153; 217, էջ 154; 24, էջ 45, 72, աղ. XII): Բրիչը մետաղե ծայր ստանալուց հետո շարունակել է կենցա-

ղավարել արորի կողքին: Այս երևույթը նկատելի է ամտիկ հասրակություն թևակոխած բոլոր երկրներում և նույնիսկ Յունաստանում, որտեղ արորի առաջին պատկերները, թեև հանդիպում են արդեն տոհմատիրական կարգերի քայքայման ժամանակ՝ Կրետեում, միջին միճոսյան շրջանում (223, էջ 47), նկարագրված են Ոդիսականում (45, XIII, 32, XVIII, 374), պատկերված են Բեոտիայից հայտնաբերված թծակավային արձանիկի, ինչպես նաև մ.թ.ա. VI-IVդդ. խեցեղենի վրա, սակայն ինչպես նկարագրված են Յեսիոդոսի պոեմներում (43ա, 427-436), բրիչները՝ շարունակել են՝ կարևոր դեր խաղալ տնտեսության մեջ: Թեոֆրաստը գրում է, որ շատերը հավանում են բրիչով աշխատելը, որը դուրս է մղված արորի կողմից (223, էջ 48), իսկ Արիստոֆանի պիեսների գործող անձինք բացականչում են, որ երազում են դաշտ գնալ և հողը մշակել բրիչով (228, Pax -503):

Հայաստանում ևս արորի հետ ծանոթացել էին դեռևս ուշ բրոնզի դարաշրջանից: Այս հարցում կարևոր էին առաջավորասիական երկրների ուլորտին պատկանելու հնագամանքը և այդ երկրների հետ սերտ կապերը: Նախնական արորները ամբողջապես փայտից էին, իսկ երկաթի տարածման հետ ստացել էին երկաթե սայրեր: Մեծ է ուրարտական ժառանգության դերը այս հարցում: Այս ժամանակաշրջանում լայն թափ ստացած հողագործությունը չէր կարող գոյություն ունենալ առանց արորի և թերևս նաև առանց գութանի: Կարմիր բլուրից, Թոփրախ Կալեից, Արգիշտիխիմիլիից հայտնաբերված երկաթե խոփերը, բրիչները (181, էջ 163, նկ. 24) այդ են ապացուցում: Ի տարբերություն լեռնայինի՝ դաշտավայրային շրջաններում հողագործությունը զարգացնելու համար անհրաժեշտ էին կատարյալ գործիքներ: Քանի որ դաշտավայրում անընդհատ մշակվող հողի շերտերի լրիվ շրջում է պահանջվում, իսկ դա հնարավոր է անել արորի և գութանի միջոցով: Եվ, այնուամենայնիվ, արորային հողամշակման հետ բրիչը ամբողջությամբ չի անհայտանում ցանքային տնտեսությունից, իսկ այգեգործու-

թյան և բանջարաբուծության մեջ շարունակում է խաղալ կարևոր դեր: Այս պատկերն ենք տեսնում նաև հելլենիստական ժամանակաշրջանում (13, էջ 267, աղ. 2, 3, 4):

ՍԱՆԳԱՂՆԵՐ: Գյուղատնտեսական գործիքների հաջորդ խումբը կազմում են մանգաղները, որոնք, ինչպես նախորդ դարերում, հանդես են գալիս երկու տեսակով՝ երկաթե և բաղկացուցիչ-պահանգավոր: *Երկաթե մանգաղներ* հայտնաբերվել են Կուրթանից, Ջուջևանից, Ենոքավանից: Դրանք կրկնում են միասայր, կեռ դանակների ձևերը, միայն ունեն ավելի մեծ չափեր (երկ. 40-73սմ): Կեռ շեղքի ամմիջական շարունակության վրա ունեն օղակ, որով ամրացվել են դաստակին: Դա ցայտուն երևում է Ենոքավանի մանգաղների օրինակով (աղ. 34, 6): Մանգաղների շեղքերը նեղ են բացի Կուրթանի օրինակից, որի շեղքը ամենալայն մասում 7,5սմ է (աղ. 34, 5) և սայրի աղեղի երկարությամբ, դաստակի կառուցվածքով տարբերվում են մ.թ.ա. VIII-VI դդ. պոչուկավոր մանգաղներից (216, էջ 204): Խոսքը վերաբերվում է հատկապես Ենոքավանի օրինակներին, որոնք չափերով և սայրի աղեղի ձգվածությամբ կարող են հանդիսանալ գերանդիների նախատիպերը՝ խորհրդանշելով գյուղատնտեսության զարգացման բարձր մակարդակ: Այս մանգաղների համար ուղղակի զուգահեռներ գտնել առայժմ չի հաջողվել ո՛չ Անդրկովկասի, ո՛չ Փոքր Ասիայի և ո՛չ էլ Իրանի հուշարձանների համալիրներում: Թերևս հեռավոր զուգահեռներ լինեն Թրակիայից հայտնաբերված մանգաղները, որոնք նույնպես թվագրվում են մ.թ.ա. V-IV դարերով (96, աղ. 101): Եղած նյութերը հնարավորություն են տալիս ասելու, որ այդ մանգաղները, օղակավոր դաստակներ ունեցող դանակների նման ունեն տեղական ծագում և առայժմ եզակի են, քանի որ հաջորդ դարերից անտիկ հուշարձաններում հայտնաբերվում են մանգաղներ, որոնք չափերով փոքր են, իսկ ձևով շատ նման են ժամանակակից մանգաղներին (13, էջ 267-268, աղ. 1, 6, 8, 9): Մյուս կողմից, ելնելով պատմիչների հաղորդած տեղեկություններից, կարելի է ասել, որ մանգաղներն ու դանակները կիրառվել են և՛ որպես գործիք, և՛ որպես զենք: Հերոդոտը և Քսենոֆոնը բազմիցս հիշատակում են մոտ մեկ մետր երկարություն ունեցող մեծ մանգաղների մասին, որոնք ամրացվել են ռազմականության անիվների առանցքին՝ թեքությամբ, հատուկ սայրերը դեպի գետին, այնպես որ կտրեին ճանապարհին հանդիպող ամեն ինչ (44, I, 125, 126; 65, I, 7, 72; I, 8, 9: 135, IV, I, 30):

Երկաթյա մանգաղների հետ մեկտեղ դեռևս օգտագործվում էր մանգաղների երկրորդ՝ բաղկացուցիչ պահանգավոր տեսակը: Դրանց կայծքարե ներդիրներից հայտնաբերվել են Թմբադիրից, Բերդաքարից, Սև-սև քարերի թախտից և այլն: Ներդիրավոր մանգաղները հանդես գալով դեռևս նեոլիթյան ժամանակներից և ավանդաբար օգտագործվելով բոլոր դարաշրջաններում, համարյա առանց ձևափոխման հասնում են մինչև խնդրո առարկա ժամանակաշրջանը: Այս մանգաղների ներդիրները հիմնականում պատրաստված են կայծքարից, որով և պայմանավորվել է դրանց ամրությունը: Դրանք ունեն նուրբ ատամնավոր աշխատանքային եզրեր ու փայտյա կամ ոսկրե հիմքի մեջ ագուցելու համար թեթև հաստացող մեջքեր (աղ. 34, 2, 3, 4): Այս մանգաղների հարատևությունը, ինչպես բրիչների դեպքում էր, թերևս բացատրվում է լեռնային շրջանների բնակլիմայական պայմաններով, ինչը չէր նպաստում հողամշակման գործիքների կատարելագործմանը:

ԴԱՆԱԿՆԵՐ: Ի տարբերություն մանգաղների, մ.թ.ա. VI-IV դդ. հուշարձաններից հայտնաբերվել են մեծ թվով դանակներ, որոնք բաժանվում են մի քանի տարատեսակների: Ամենամեծ, առաջին տարատեսակը կազմում են միակտոր երկաթից պատրաստված կեռ դանակները (երկ. 25-40սմ), որոնք ունեն միակողմանի կեռ սայրով և ուռուցիկ մեջքով շեղք, կենտրոնական մասում նեղացող կլորավուն գլխիկով ավարտվող դաստակ: Շեղքերը ավարտվում են սուր կամ կլոր ծայրերով: Դաստակների վրա առկա են դաստապանը ամրացնող գամերը (աղ. 35, 1-4): Տարբեր դանակների դաստակների վրա պահպանված մնացորդները վկայում են, որ դաստապանները եղել են փայտից, ոսկորից և մետաղից: Այս դանակները Հայաստանի և Անդրկովկասի համար ամենաբնորոշ գործիքներից են: Հայտնաբերվելով մ.թ.ա. VIII-VI դդ. ուրարտական և տեղական մշակույթների հուշարձաններից (255, էջ 121, 122-126; 154, էջ 270), դրանք շարունակում են իրենց գոյությունը նաև հաջորդ դարերում: Այդ դանակների զուգահեռներ հայտնաբերվել են Ադրբեջանի տարածքի հուշարձաններից՝ Դուլանլար, Լեռնային Ղարաբաղ, Մինգչաուր (164, էջ 53; 123, աղ. I), Վրաստանից՝ Ցալկա, Դմանիսի (87, էջ 52-53; 149, աղ. I, IV, VI, XII: 136, աղ. XVI, XXXV), Հյուսիսային Կովկասից (134, էջ 284, աղ. XVII, նկ. 4, 46), Իրանից (272, աղ. LXXX, 8), Առաջավոր Ասիայից մինչև Թրակիա (96, աղ. 101): Այս լայն տարածումը ամտածել է

տալիս, որ դանակի այս տեսակը որպես կեն-
ցադային, աշխատանքային գործիք և զենքի ա-
մենապարզ տեսակ, կարող էր ծագել ամենուր.,
զուգամիտության օրենքով: Քննարկվող հու-
շարժաններից գտնված դանակները կրկնում
են նախորդ դարերում օգտագործվող ձևերը,
չկրելով էական փոփոխություններ, քանի որ
նկատվող տարբերությունները անհատական
են, շեղբերի քիչ կամ շատ կլորություն: Կեռ դա-
նակները քննարկվող դարաշրջանի համար հի-
շատակում է նաև Քսենոֆոնը անվանելով
դրանք լակեդեմոնական կեռ դանակներ (65,
IV, VII, 16):

Այս դանակների մի ենթատեսակ են կազ-
մում Աստղի բլուրի և Խրտանոցի դամբարան-
ներից գտնված երկու կեռ դանակները, որոնք
ունեն 24 և 16սմ երկարություն, դաստակի վրա
օղակներ՝ գոտուց կախելու համար: Երկուսն էլ
լավ պահպանված են, ունեն շատ գեղեցիկ ուր-
վագիծ և սահուն անցումներ (աղ. 35, 6): Այս
տիպի դանակներ կան նաև Որնակի և Չաղպա-
տի համալիրներում: Իսկ Գառնիի դամբարան-
ներից գտնված նույն չափերի փոքր, սակայն
ուղիղ շեղբով օղակավոր դանակը համարում
ենք այս տիպի հետագա շարունակությունը:

Երրորդ տարատեսակի դանակները նույն-
պես պատրաստված են միակտոր երկաթից,
դաստակները կազմում են շեղբի շարունակու-
թյունը, սակայն ունեն ձվաձև օղակի տեսք, ըստ
որում այնպիսի չափի, որ կարելի է հագցնել
ծեռքին (Ջրառատ, Բերդ, Աչաջուր, Յաղդան,
Դիլիջան, Թեղուտ, Կարճաղբյուր): Բացի Դիլի-
ջանի և Կարճաղբյուրի օրինակներից, որոնց
երկարությունը ընդամենը 8սմ է, մյուս դանակ-
ները բավական մեծ չափերի են (21-38սմ): Շեղ-
բերն ավարտվում են կլորավուն կամ սուր ծայ-
րով: Թեղուտի և Աչաջուրի դանակների դաս-
տակները ոլորուն են: Դանակների այս տեսակ-
ները հայտնաբերվում են մ.թ.ա. VI-IVդդ. հու-
շածաններում, քանի որ Արգիշտիխիմիլիի և
Թեյշեբախիմի պեղումների ժամանակ հայտնա-
բերված մեկական դանակների դաստակները
օղակաձև են, սակայն դեռ վերջնական չեն ձ-
ևավորված և թերևս ներկայացնում են նախնա-
կան ձևը, իսկ Լալվարի նյութերի մեջ հայտնի ե-
րեք դանակները՝ մեկը Ախթալայից, երկուսը՝
Մուսիյերիից, որոնք Մորգանը վերագրում է ժա-
մանակագրորեն ուշ IV խմբի դամբարանների
նյութերին (255, էջ 133, նկ. 125), մենք հակված
ենք թվագրելու քննարկվող դարերով: Այսպի-
սով, այս դարերում ստեղծվում է երկաթե դա-
նակների մի նոր տեսակ, որն ունի զուտ տեղա-
կան ծագում և թվագրող տարր է հանդիսանում:

Հնագիտական գրականության մեջ կեռ դա-
նակների կիրառության վերաբերյալ կամ բազ-
մաթիվ կարծիքներ: Բ.Ա.Կուֆտինը կովկասյան
կեռ-մանգաղաձև դանակներին տալով կիրա-
ռական բազմապիսի նշանակություն, շեշտը
կարծես դնում է դրանց, որպես «խաղողագոր-
ծական մանգաղների» նշանակության վրա
(139, էջ 37-38): Նույն կիրառությունն է վերագր-
վում նաև մերձսևծովյան անտիկ հուշարձաննե-
րի կեռ դանակներին (77, էջ 214, նկ. 7; 78, էջ
112-114): Հնարավոր է, որ կեռ դանակներով ի-
րականացվում էր նաև բրդի խուզը, քանի որ
ըստ Հայաստանի և Իրանի ազգագրական նյու-
թերի, մինչև մկրատների գյուտը, որը կատար-
վել է միայն ուշ հելենիստական դարաշրջա-
նում, բուրդը պոկում կամ կտրում էին դանակով
(36, էջ 91): Եվ վերջապես, կեռ դանակներ կա-
րող էին օգտագործվել նաև կաշեգործության
մեջ: Այս ամենը ներկայացնում են կեռ դանակ-
ների բազմակողմանի գործառնությունը: Դա-
նակների **երրորդ տարբերակի** մեջ առանձնա-
նում են համեմատաբար փոքր չափերի (8-15սմ
երկ.) նմուշները, որոնց շեղբերն ուղիղ են և ա-
վարտվում են սուր ծայրով, իսկ դաստակները
շեղբի շարունակությունը հանդիսանալով, ինչ-
պես որոշակի երևում են Լալվարի օրինակնե-
րից (255, նկ. 126), լեզվակաձև ազուցվել են
փայտյա կամ ոսկրե դաստապանի մեջ (Բերդ,
Աթարբեկյան, Ջրառատ, Մորաշեն, Բերդատեղ,
Ախթալյան, Ախթալա): Դանակների այս տեսա-
կը, ինչպես իրավացիորեն նշել է Հ.Մարտիրոս-
յանը, ուրարտական և հին արևելյան հուշար-
ձաններից չեն հայտնաբերվել: Դրա փոխարեն
գտնվել են Աստղածորի մ.թ.ա. VIII-VIIդդ.,
Խրտանոցի ու Լալվարի մ.թ.ա. VII-VIդդ. դամ-
բարաններում և մ.թ.ա. VI-IVդդ. հուշարձաննե-
րում: Այս հանգամանքը թույլ է տալիս խոսել
դրանց տեղական ծագման մասին, իսկ Գառ-
նիում, Արմավիրում, Կարճաղբյուրում այդ դա-
նակների առկայությունը վկայում են դրանց
անընդմեջ կիրառումը մինչև մ.թ.ա. առաջին
դարերը (13, էջ 270, աղ. II , 8; 42, աղ. III , 3):

Աղորիքներ. Քննարկվող բնակավայրերի,
ամրոցների պեղումներով ձեռք բերված գոր-
ծիքներից ամենատարածվածը հացահատիկը
մանրելուն, մաշակելու ծառայող աղորիքներն
են: Աղորիքները հայտնաբերվում են օջախնե-
րի, ցորենի հորերի մոտ, իսկ մաշված, օգտա-
գործումից հանված նմուշները՝ հորերի հա-
տակներում կամ պատերի շարվածքում: Հե-
տաքրքիր է Աստղի բլուրի մի օրինակը, որ
դարձել է դռան կրունկ: Աղորիքները հարմա-
րեցված, պատարստված են գետաքարերից,

ծակոտկեն բազալտից և ավազաքափից: Աստղի բլուրից, Նորաշենից, Թմբադիրից, Ջաղացատեղից, Կալ-Քարից, Պիլոր պատից, Չաղաքանակից, Կարմիր բերդից, Կարճաղբյուրից և այլուր հայտնաբերված աղորիքները ունեն արխաիկ, վերին մակույկաձև և ստորին ուղղանկյուն քարեր: Ստորին քարերը տարբեր չափերի են, բայց միշտ ավելի մեծ, քան վերինները, կենտրոնական մասերը օգտագործումից մաշված են, փոս ընկած, իսկ եզրերը պահպանվում են բարձր, դուրս ցցված վիճակում (աղ. 36, 1-4): Մակույկաձև աղորիքներից առանձին ուշադրության է արժանի Թմբադիրից հայտնաբերված մի օրինակ, որը Չայաստանի հուշարձաններում հանդիպում է առաջին անգամ: Նրա արտաքին մակերեսի վրա փորագրված են երկու «կեռխաչ» (աղ. 36, 1): Աղորիքը հավանաբար կիրառվել է ծիսական արարողությունների ժամանակ օգտագործվող հացերի կամ բլիթների հատիկը աղալու համար, ինչպես վկայում են Մեծամորի սրբարաններից հայտնաբերված աղորիքները և պաշտամունքին ու ծեսերին ծառայող մյուս բազմաթիվ առարկաները (24, էջ 125 և հաջորդ): Աղորիքների երկրորդ տեսակը վաղ հայկական հուշարձաններից քիչ են հայտնաբերված՝ միայն Ջաղացատեղիից և Կարմիր բերդից: Այս տեսակի վերին քարի վրա երկայնքով արված է ակոս՝ փայտյա լծակ ագուցելու համար (աղ. 36, 10, 11): Լծակի օգնությամբ աղորիքը շարժվել է աջից ձախ և հակառակ: Այս շարժման ռիթմը պարզորոշ նկատվում է Ջրաղացատեղիի աղորիքի ներքին երեսի մաշվածությունից: Լծակավոր աղորիքները ավելի արտադրողական էին, քան ավանդական աղորիքները և շատ կարճ ժամանակում լայն կիրառություն գտան: Այդ են ապացուցում Արմավիրից, Դվինից, Գառնիից և մ.թ.ա. III-IV դ. թվագրվող մյուս հուշարձաններից հայտնաբերված բազմաթիվ ակոսավոր աղորիքները: Մինչև վերջերս ընդունված էր այն կարծիքը, որ մաշվակաձև աղորիքն իր ավանդական ձևով օգտագործվել է հազարամյակներ, իսկ ակոսը ծեռք է բերել միայն մ.թ.ա. VI դարից (26, էջ 254): Սակայն Արգիշտիխիմիլի մ.թ.ա. VIII դ. թվագրվող պահեստային սենյակներում գտնված ակոսավոր աղորիքները ստիպում են վերանայելու այս տեսակետը: Պետք է նշել, որ ուրարտական այս ակոսավոր աղորիքները, ինչպես նաև մ.թ.ա. VI-IV դդ. օրինակները, դեռևս չունեն նեղ կողմերի փոսիկները, որոնցով լծակը ամրացնում էին քարից և ներկայացնում են լծակավոր աղորիքների նախնական տեսակը: Այս աղորիքների բոլոր տեսակներից

հայտնաբերվել են հարևան երկրների, քննարկվող ժամանակաշրջանով թվագրվող հուշարձաններից: Օրինակ Կարա-Թեփեում դրանք հանդիպում են մ.թ.ա. VII-VI և V-IV դ. թվագրվող շերտերից (121, էջ 212, նկ. 15):

Վաղ հայկական հուշարձաններից հայտնաբերված *տրորիչները* պատրաստված են տափակ կամ կլորավուն գետաքարերից, որոշ նմուշների կողերը թեթև ներճկված են հարմար բռնելու համար: Դրանց աշխատանքային մասերը օգտագործումից խիստ մաշված են: Դրանցով մանրում էին հացահատիկը մինչև աղորիքով ալյուր դարձնելը: Այս գործիքները նախորդ դարերում օգտագործվածներից չեն տարբերվում և ըստ երևույթին որևէ զարգացում չեն նապրել (աղ. 36, 7, 8):

Նույն պատկերն են ներկայացնում *սրոցները*: Չայտնաբերվել են մեծ և փոքր սրոցաքարեր, որոնք պատրաստվել են գետաքարերից (Պիլոր պատ), ճարպաքարից (Բերդատեղ, Աստղի բլուր) և ավազաքարից (Նորաշեն): Դամբարաններից հայտնաբերվել են նաև սրոցաքար-հմայիլներ (Ախլաթյան, Աթարբեկյան) պատրաստված սև փայլուն քարատեսակից: Սրոցները քառակող կամ գլանաձև են, երկու կողմից կրում են օգտագործման հետքեր (աղ. 36, 5, 6):

ՍԵՏԱՂԱԳՈՐԾԱԿԱՆ ԱՐՇԵՍՏՆԵՐԻ ՉԵՏ ԿԱՊԿԱԾ ԳՈՐԾԻՔՆԵՐ ԵՎ ԱՈՒՐԿԱՆԵՐ: Ա.թ.ա. VI-IV դդ. հուշարձաններից շատ չեն հայտնաբերվել, սակայն եղածները խիստ բնորոշ նմուշներ են: Անմիջապես մետաղի ծուլման հետ են կապվում կթխաները, կաղապարները և քարե գդալները: Կթխաներ հայտնաբերվել են Աստղի բլուրից տասը, Բերդատեղից՝ երկու հատ: Դրանք ոչ մեծ չափերի, լավ հունցված, նստվածքազատված կավից պատրաստված, թրծումից և երկարատև օգտագործումից սև կամ կարմիր գույնի անոթներ են, ունեն ուղիղ կամ վեր լայնացող կողերով մատնոց հիշեցնող ձև (բարձր. 1-5սմ): Դատելով չափերից, դրանցում կարելի էր մետաղ հալել, փոքրիկ զարդեր պատարաստելու համար (աղ. 37, 3): Այս կթխաները թե՛ ձևով, թե՛ չափերով կրկնում են նախորդ դարերում օգտագործված կթխաները, ինչպիսիք են մ.թ.ա. VII-VI դարերով թվագրվող Աջաջուրի, Կողբի նմուշները, որոնք ունեն 5-7սմ բարձրություն և 5-8սմ տրամագիծ, կլոր կամ ուղիղ իրան, կլոր կամ հարթ հատակ: Նորաշենից գտնված հալոցիկը բրոնզից է, կլորավուն երկու կողմերից ունի ելուստներ՝ բռնելու համար: Ներսում պահպանվել են հալած մետաղի հետքեր (աղ. 37, 4):

Չուլման երկու կաղապարներ գտնվել են Թմբադիր բնակավայրից: Երկուսն էլ կավե, երկփեղկանի կաղապարի բեկորներ են: Առաջինով կաղապարել են մանյակաձև կախիկ և ծակոտկեն թերթիկներ: Կաղապարները պատրաստված են խոշորահատ, ավազախառը, լավ թրծված կավից: Դրանք ունեն 8սմ հաստություն, որն իհարկե, չդիմանալով երկար օգտագործմանը, ճաքճքել են (աղ. 37, 1, 2):

Մետաղի ձուլման պրոցեսին պետք է ծառայեր «Հաղթականից» գտնված քարե դգալի մախապատրաստուկը: Նման գդալներ հայտնի են մախորդ դարերի նյութերից և ծառայել են հալած մետաղը կաղապարների մեջ լցնելուն (109, 15, 97):

Հավանաբար, հանքաքարը կոտրելու մպատակին է ծառայել Սալ քարից գտնված քարե կացինը, կլորավուն սայրով և կոթին կապելու կենտրոնից անցնող մեղ ակոսով (109, 15, 94):

Ձարդագործի գործիքների շատ հետաքրքիր խումբ են ներկայացնում Նորաշենի պեղումներով հայտնաբերված առարկաները: Դրանցից ուշագրավը երկաթե փոքր չափերի կացինն ու դուրն են: Կացինն (երկ. 8-9սմ) ունի ուրվագծի արտակարգ չորություն և երկրաչափական ձև՝ երկսայր, հավասար թևեր (սայրերի լայն. 3սմ), որոնք դեպի կենտրոն մեղանում և հաստանում են՝ վերածվելով կոթառի: Սրանց կենտրոնում արված է կոթի անցքը (աղ. 37, 5): Այս կացինը մ.թ.ա. VI-IVդդ. Հայաստանում իր տեսակի մեջ եզակի է: Այն իր ձևով շատ մոտ է բրոնզե նույնատիպ կացիններին, որոնք օգտագործվել են զարդագործության մեջ (216, էջ 253, նկ. 6, 7): Խնդրո առարկա կացինն իր մերձակա զուգահեռներն է գտնում Սամվաթրոյի թիվ 27 և Կուլանուրիսի դամբարաններում հայտնաբերված կացինների մեջ, թեև դրանք թվագրվում են մի փոքր ավելի վաղ՝ մ.թ.ա. VII-VIդդ.: Քննարկվող կացնի չափերը և դրան ուղեկցող մյուս գործիքները, պղնձյա ու բրոնզե զարդերը թույլ են տալիս այն համարելու զարդեր պատրաստող վարպետի գործիք: Եզակի է մաև երկրորդ՝ *կացնատիպ առարկան*: Այն նույնպես փոքր չափերի է (երկ. 9 սմ, սայրերի լայնքը 3սմ) երկսայր և տափակ: Նախորդի նման, սրա սայրերը ևս դեպի կենտրոն մեղանալով՝ միանում են իրար, սակայն կենտրոնական մասում չեն հաստանում և կոթառի անցք չկա: Այն ևս նույն վարպետի գործիքն է եղել և դատելով ձևից և կոթի անցքի բացակայությունից կարելի է ենթադրել (աղ. 37, 6), որ ծառայել է մետաղե թերթիկը հարթելու, վրան փորագրելու մպատակին: Այս կացինների և հալոցիկի

հետ հայտնաբերվել է 18սմ երկարություն ունեցող ձողիկ, որի մի կողմը հաստավուն է, իսկ մյուսը՝ բարակ և սրված, որը նույնպես կարող էր ծառայել զարդերի մետաղե թերթիկները հարթեցնելու մպատակին: Նույն համալիրում գտնվել են մաև երկաթե նրբունեղիներ (աղ. 37, 7), որոնցով հավանաբար բռնել են փոքրիկ զարդերը՝ դրվագելու, հարդարելու միջոցին (41, էջ 281-290):

Խեցեգործական արհեստի հետ կապվող գործիքներից ամենամասսայականը կոկիչներն են, որոնք հայտնաբերվում են բոլոր բնակավայրերից: Անոթների ձևավորումից հետո այդ կոկիչներով մակերեսները հարթեցվում էին, թաց լաթով փայլեցվում, մի փոքր չորացնելուց հետո՝ կրկին փայլեցվում քարե, փայտե կամ ոսկրե կոկիչներով և հետո միայն զարդանախշում: Կոկիչների այս տեսակներից, իհարկե, մեզ են հասել միայն քարե մմուշները, որոնք հնագույն ժամանակներից գետաքարերից և չեչաքարերից էին ընտրվում: Դրանք կրում են երկարատև օգտագործման հետքեր ստորին մասում, իսկ վերին մասերը կլորավուն են, հարմարեցված բռնելու համար: Կոկիչները գտնվել են Թմբադիրից, Հաղթանակից, Սև-սև քարերի թախտից, Աստղի բլուրից, Բերդաքարից, Նորաշենից (աղ. 38, 4, 6): Հանդիպում են մաև խեցու կտորից համարեցված կոկիչներ Քարի գլխից և Հաղթանակից: Հետաքրքիր գտածո է Նորաշենից հայտնաբերված քարե դրոշմը: Այն կանաչավուն ավազաքարից է, ուղղանկյունաձև (2,5սմ x 4սմ), որի երեսին փորագրված է ծառանման զարդանախշ, իսկ կողի վրա՝ կարճ գծիկներով շրջանակ (աղ. 38, 8): Դրանով, հնարավոր է, հարդարվել է խեցեղենը՝ հում կավի վրա դրոշմելով (41, էջ 290): Խեցեգործության հետ են կապվում մաև Թմբադիրից հայտնաբերված կավե գլանաձև ձողը և եռաճյուղ առարկան: Գլանն ունի 30սմ երկարություն, հաստ մասում՝ 5,5սմ լայնություն: Այն աստիճանաբար բարակում է և ավարտվում սուր ծայրով: Պատրաստված է խոշորահատիկ կավից (աղ. 38, 2): Նման է միջնադարյան խեցեգործության մեջ օգտագործվող ձողերին, որոնք հաստ ծայրով ամրացվում էին հնոց-թոնրի պատին, իսկ սուր ծայրից կախվում էին թրծվող անոթները: Այս առարկան հետաքրքիր է նրանով, որ մ.թ.ա. VI-IVդդ. հուշարձաններից այսպիսի հարմարանք հայտնաբերվում է առաջին անգամ: Մինչև այժմ, մախորդ դարաշրջանների հուշարձանների նյութերում ևս դրանք բացակայում են: Այնպես որ, թրծման պրոցեսում օգտագործվող այս հարմարանքը Հայաստանում,

ինչպես տեսնում ենք, առաջին անգամ ենք հանդիպում: Նույնաման և նույն չափերի գլանաձև ծողիկ հայտնաբերվել է նաև Արտաշատի պեղումներից (197, էջ 80, աղ. 114), իսկ միջնադարում դրանք դառնում են սովորական: Այս ծողի հետ գտնվել է նույնատեսակ կավից պատրաստված եռաճյուղ առարկա, որն ունի կլորավուն պատվանդան (տրամ. 10սմ), վեր ձգվող ավարտվող եռաճյուղ ելուստներով գլանաձև իրան (բարձր. 15սմ): Ելուստների պահպանված մասերի հաստությունը 4-5սմ է (աղ. 38, 1): Հավանաբար այն նույնպես օգտագործվել է խեցեղեն թոճելու ժամանակ: Երևի դրվել է թոճրի հատակին և նրա ելուստներից կախվել են անոթներ: Այս եզրակացության օգտին է խոսում նաև այն, որ առարկան խիստ թոճված է և հայտնաբերվել է եռաստիճան հատակով հորի կողքին: Առարկան նույնպես չունի իր նմանները, ոչ միայն մ.թ.ա. VI-IV դդ., այլև վաղ և ուշ ժամանակաշրջանների նյութերի մեջ:

ՍԱՆՏԱԳՈՐԾՈՒԹՅԱՆ ՀԵՏ ԿԱՊԿԱԾ ԳՈՐԾԻՔՆԵՐ: Գործիքների այս խմբի մեջ մեծ թիվ են կազմում թել մանելու թեշիկների գլխիկները, պատրաստված քարից, ոսկորից և խեցուց (Աթարբեկյան, Թմբադիր, Սև-սև քարերի թախտ, Պիլոր-պատ, Կարճաղբյուր և այլն): Սրանք, որպես կանոն, ունեն միջանցիկ անցք՝ իլիկի փայտին կամ ճախարակին ագուցանելու համար: Ըստ ձևերի կարելի է առանձնացնել մի քանի տեսակ՝ ա) բարձր կոնաձև, հատած գագաթով, ուղիղ կտրած հիմքով, բ) ցածր կոնաձև, փռված կողերով և հարթ հատակով, գ) երկկոնաձև, հատած գագաթներով, դ) կոտրված անոթների բեկորներից պատրաստված, տափակ, բլիթաձև, կենտրոնական անցքով (Թմբադիր, Պիլոր-պատ): Դրանց տրամագծերը տատանվում են 1,5-1,8-2,5 սմ միջև (աղ. 39, 1-4): Այս տատանումները-բացատրվում են մանվող հումքի տեսակով, թելի բարակությամբ և դիմացկունությամբ (221, էջ 19): Այսպես. բամբակե թելը մանելու համար Մոհենջո-Դարոյում օգտագործվում էին փոքր և թեթև թեշիկի գլխիկներ, որոնք շատ փոքր կլինեն, օրինակ, վուշի թել մանելու համար, քանի որ այս դեպքում պահանջվում էին մեծ տրամագծով և ծանր թեշիկներ (244, էջ 44, 152-155): Գուցե որպես թեշիկի գլխիկ են օգտագործվել նաև կավե, անվակաձև առարկաները, որոնք կենտրոնական մասում երկու կողմից ունեն ուժեղ դուրս ցցված մասեր (տրամ. 4սմ, անցքի տրամ. 0.5սմ): Այսպիսիք գտնվել են Սև-սև քարերի թախտից, Թմբադիրից և այլն: Տարածված են նաև հարևան երկրների հուշարձաններում:

Թեշիկների քննարկված բոլոր տեսակներն իրենց զուգահեռներն են գտնում վերը նշված համաժամանակակից, ուշ և վաղ քննարկված հուշարձաններում:

Թեշիկի փայտյա իրաններ՝ ծողիկներ, բնականաբար, չեն պահպանվել և դժվար է որևէ բան ասել գլխիկների և ծողիկների միացման, ամրացման ձևի մասին: Սակայն դրանց տեսքը կարելի է վերականգնել ազգագրական ժամանակակից նյութերի հիման վրա: Հայկական ազգագրական իրականությանը հայտնի են գլխիկի և իրանի միացման մեկ, իսկ թեշիկի օգտագործման՝ երկու ձև: Թեշիկի գլխիկը ագուցվում է ծողիկի վերին հաստ մասում: Հումքը մանելիս թեշիկը օգտագործվել է ուղիղ դիրքով, իսկ թելը ոլորելիս՝ շրջված, գլխիկը դեպի ցած: Կիրառման այս մեթոդները մշակվել են հնագույն ժամանակներից:

Թմբադիրի, Բերդատեղի, Հաղթանակի, Կարճաղբյուրի բնակավայրերի պեղումներից գտնվել են նաև կավից պատրաստված ջուլիակի *դազգահի կախիկներ*: Թմբադիրի և Հաղթանակի օրինակները սկավառակաձև են, միջանցիկ անցքով (տրամ. 35սմ, անցքի տրամ. 1,2սմ, աղ. 39, 8) և կրկնում են առաջին հազարամյակում օգտագործվող հյուսող դազգահների կախիկների ձևերը (22, էջ 236-290): Բերդատեղի ծանրոցը ևս կավից է, բայց գուրգաձև:

Մանածագործության հետ կապված հաջորդ խումբը Թմբադիրից և Թեղուտից գտնված թել մաքրելու կամ *կոկելու գործիքներն են*: Թմբադիրից քարից է, երկարավուն, կենտրոնում թեթև ներձկված, հարմարեցված ափի մեջ բռնելու համար: Եվ գործիքի ու մատների արանքով թելը քաշելու միջոցով այն մաքրվել է (երկ. 8սմ, աղ. 39, 5): Թեղուտի օրինակն ավելի կատարյալ է: Պատրաստված է եղջերուի եղջյուրից, ունի կիսաաղեղնաձև ուրավգիծ (երկ. 7-9սմ): Իրանի վրա արված են երեք զուգահեռ անցքեր 0,5-0,7մմ տրամագծով (աղ. 39, 6): Անցքերը հավանաբար, ծառայել են դրանց միջով անցնող թելերը մաքրելու և միաժամանակ պահում էին գործվածքի մեջ երեք տարբեր թելերը խառնվելուց (109, էջ 210): Հաջորդ թել մաքրող գործիքը, որը գտնվել է Կողբից, նույնպես ոսկորից է, նման Թեղուտի օրինակին, սակայն առանց անցքերի: Պատրաստված է եղջյուրի միջին մասից, հարմարեցված է բռնելու համար և ունի 7սմ երկարություն: Կողբի այս գործիքի հետ գտնվել են նաև հարթեցնելու ծառայող, հյուսելու ժամանակ գործվածքը լավ նստեցնելու չորս կտուտիչներ (երկ. 8-12սմ): Այս գործիքների օգտագործումը վկայված է

դեռևս բրոնզե դարաշրջանից (216, էջ 241, 24, նկ. 37): Կտուտիչները պատրաստվում էին եղջյուրից կամ խողովակաձև ոսկորներից, հաստ մասը հարմարեցված որպես բռնակ, իսկ սուր ծայրը որպես հարվածող (աղ. 39, 7): Հնագույն ժամանակներից մանածագործական այս մասնագիտացված գործիքների առկայությունը թույլ է տալիս խոսելու Հայաստանում մանածագործական արվեստի ավանդական զարգացման մասին, որ բարձր աստիճանի էր հասել մ.թ.ա.VI-IV դարերում:

Վաղ հայկական ժամանակաշրջանում զարգացող *ձկնորսության* մասին տվյալներ ենք գտնում Կարճաղբյուրի բնակավայրի և դամբարանների նյութերի մեջ: Սևանա լիճը և նրա մեջ թափվող քաղցրահամ գետերը, որ հարուստ էին ձկան բազմաթիվ տեսակներով, նպաստավոր պայմաններ պետք է ստեղծեին ձկնորսության համար: Ձկան սիրված տեսակներն էին իշխանը, բախտակը, բեղուն, կողակը, որոնք օգտագործվում էին ոչ միայն թարմ վիճակում, այլև աղ էին դրվում, հատկապես կողակը: Հուշարձանի պեղումների ժամանակ, բնակարաններից հայտնաբերված ոսկրաբանական մնացորդների մեջ, ձկան ոսկորները նշանակալի տեղ են գրավում, վկայելով ձկնորսության կարևոր դերը տնտեսության մեջ: Հավանական է՝ քննարկվող ժամանակաշրջանում ձկան որսը կատարվել է ցանցերի միջոցով: Ճիշտ է, դրանք չեն պահպանվել, սակայն մեծ թվով հայտնաբերված ծանրոցները, որոնք կախվել են ցանցերից, վկայում են այդ մասին: Ծանրոց-կախիկները պատրաստվել են կավից կամ քարից: Հուշարձանից քարե կախիկներ առայժմ քիչ են գտնվել: Դրանք չեչաքարից են, կլորավուն անվակաձև, ցանցից կախելու կենտրոնական անցքով (տրամ. 0,9, անցքի տրամ. 0,2սմ): Առատ են խեցե ծանրոցները: Դրանք ձվաձև են, բլիթանման, լայն կողերից թեթև ներձկված փոսիկներով, ցանցին կապելու համար: Նկատվում է, որ պատրաստվել են հատուկ մոուլներ, որոնց փոսիկավոր կողերը լավ ձևավորված են, ունեն հարթ անցումներ (չափերը 7-7,4 սմ): Իսկ հիմնական մասը պատրաստված է կոտրված, օգտագործումից դուրս եկած խեցեղենի կտորներից (աղ. 38, 7, 8): Սա երևում է հատկապես ներձկված կողով թասերի ըմպանակների բեկորներից պատրաստված մոուլներից (42, էջ 276): Խեցեղենի բեկորներից էին պատրաստված նաև մերձսևծովյան անտիկ հուշարձաններից գտնված ծանրոցների մի մասը (174, էջ 154; 132, էջ 83):

Առայժմ լճափնյա բնակավայրերը, և հենց Կարճաղբյուրը, քիչ են ուսումնասիրված, ուստի բացառված չէ, որ ձուկը կարող էին որսալ նաև կարթերով (193, VII, 3, 18):

Ցանցերը ջրում հաստատուն պահելու համար օգտագործվել են խարիսխներ: Դրանք պարաններով կապելու խորը փոսորակներ ունեցող քարեր են, որոնցից Կարճաղբյուրում առայժմ գտնվել է երկու օրինակ (աղ. 38, 5):

Կարճաղբյուրի և Սևանի ավազանի մյուս դամբարաններից գտնվել են լայն անցքով մեծ չափերի (երկ. 12-15սմ) մետաղյա ասեղներ, որոնք շատ նման են ձկնորսական ցանցեր հյուսելու համար այժմ էլ օգտագործվողներին (աղ. 39, 9): Նույնպիսի ասեղներ օգտագործել են նաև հյուսիս-մերձսևծովյան քաղաքների անտիկ դարաշրջանի ձկնորսները (79, էջ 43): Ձկան օգտագործումը անտիկ աշխատում, ինչպես գիտենք, կենցաղ էր մտցրել սեղանի սպասքի մոր տեսակ՝ ոչ մեծ չափերի, խիստ փռված կողերով պնակ-ափսեներ, որոնք բեկորային և ամբողջական վիճակում հայտնաբերվում են Արմավիրի, Շիրակավանի, Ավանի անտիկ բնակավայրի և առավելապես Արտաշատի պեղումների ժամանակ (35, տախ. 9): Կարճաղբյուրից զուտ ձկան ափսեներ՝ «իխտիա»-ներ չեն հայտնաբերվել, սակայն դրանց կարող էին փոխարինել խիստ փռված այն պնակները, որոնց բեկորները վկայված են բնակավայրերից:

ձկնորսության, ինչպես նաև ջրային տեղաշարժման ժամանակ օգտագործվող նավակների մասին ևս ունենք որոշ տեղեկություններ: Դրանցից հնագույնները Լճաշենի երկրորդ կուրգանից հայտնաբերված նավակների մանրակերտներն են, Բասարգեչարի դամբարանից գտնված, նավակի ձևով պատրաստված կափարիչը, Սևանի հատակից ձկնորսների կողմից բարձրացված մեծ նավակը (99, էջ 23) և վերջապես Հերոդոտի նկարագրությունները (44, I, 194): Այս նյութերը մեզ ներկայացնում են նավակների երեք տեսակ: Առաջին երկուսը պատկերում են սուր նստուկով վեր ցցված քթամաս ունեցող տեսակը: Դրանք պատրաստվել են մեկ ամբողջական հաստաբուն ծառը փորելու, տաշելու եղանակով և թվագրվում են մ.թ.ա. XIII-XII դդ.: Բասարգեչարի մ.թ.ա. VII-VI դդ. թվագրվող-նավակ կափարիչը կարծես ձևաբանական մեծ փոփոխություններ չի կրել, չնայած նրա մակերեսի երկայնական գծերը եթե մեկնաբանենք որպես տախտակների միացումով կառուցված նավակ, կարելի է ենթադրել, որ տեղի է ունեցել միակտոր գերանից պատ-

րաստված պարգունակ նավակներից անցում դեպի ավելի բարդ տեխնոլոգիայով պատրաստվող տեսակները, որը բացառված չէ, թեկուզ այն պատճառով, որ երկու տեսակների միջև ընկած է 500 տարի: Տիպաբանորեն այն շատ նման է ժամանակակից նավակ-մակույկներին: Նավակների այս տեսակի օգտագործումը քննարկվող դարերում կարող էր շարունակվել:

Նավակների երրորդ տեսակը նկարագրված է Հերոդոտի մոտ, ըստ որի, դրանց կողերը հյուսվել են ուռենու ճյուղերից (հավանաբար կողովների, զամբյուղների հյուսման ձևով) տալով վահանաձև կլորություն, ապա պատվել են կաշվով. այնուհետև նավը լցվել է ծղոտով և բռնվել: Նավը վարել են երկու մարդ երկու դեպի օգնությամբ, ըստ որում, մեկը դեկը քաշել է իրեն, իսկ մյուսը՝ վանել իրենից: Այս կառուցվածքի նավերը եղել են շատ մեծ և ավելի փոքր (44, I, 194) և հիշատակվում է Անաբազիսում ևս:

Այս նավերը, հավանաբար, շատ հարմար էին գետային նավարկության համար, իրենց կառուցվածքի թեթևության, հարմարավետության և տարողունակության հետևանքով (մեծերը ունեին մինչև 5 հազար տաղանդ տարողություն):

Աշխատանքային գործիքների և արտադրության միջոցների քննությունից պարզվում է, որ կատարվել է նյութի, հումքի որոշակի ընտրություն: Գործիքների հիմնական արտադրող մասը պատրաստվել է երկաթից՝ դանակներ, մանգաղներ, կացիներ, հալոցներ և այլն: Մի մասն էլ ավանդաբար շարունակել են պատրաստել քարից՝ աղորիքներ, բրիչների մի մասը, պահանգավոր մանգաղների ներդիրներ, սրոցներ, կոկիչներ, ձկնորսական ցանցի խարիսխներ, թել մաքրելու գործիքներ և այլն: Կավից էին թրծում կթխաները, կաղապարները, կախիկ-ժանրոցները, թեշիկի գլխիկների մի մասը: Թեշիկի գլխիկների մյուս մասը, կտուտիչները, թելը մաքրելու և հյուսելու ժամանակ օգտագործվող այլ գործիքները պատրաստվել են ոսկորից: Ոսկորն օգտագործվել էր նաև դանակների, գուցե թե նաև մանգաղների դաստապանների պատրաստման համար:

Տնտեսության մեջ օժանդակ (դանակների և մանգաղների դաստապաններ, թեշիկների ձողիկներ) և հիմնական նշանակությամբ լայնորեն օգտագործվում էր փայտը, որն իհարկե չի պահպանվել կամ պահպանվել է չնչին քանակ-

ությամբ: Չհաշված այն կարևոր և մեծ դերը, որ այն խաղում էր շինարարության, կահկարասիների պատրաստման տեխնիկայում, փայտից պատրաստվում էին արորների, բրիչների, կամերի, թեև վաղ հայկական ժամանակաշրջանի հուշարձաններում չեն գտնվել, բայց լայնորեն հայտնի են մախորդ շրջանի, հատկապես Լավարի հուշարձաններից (255, էջ 139, նկ. 141, 143) կարևոր մասերը, նավակները և այլն:

Նկատվում է քննարկվող արտադրամիջոցների պատրաստման ժամանակ տարբեր տեխնիկական հմարների, հմտությունների կիրառում՝ պայմանավորված գործիքների համար օգտագործվող վերը նշված նյութերի բազմազանությամբ:

Երկաթե գործիքները ամբողջությամբ պատրաստվել են կռման, կոփման տեխնիկայով, որով կարող էր զբաղվել միայն մասնագետ-դարբինը: Եվ վերջին տարիներին Հայաստանի մ.թ.ա. VI- մ.թ. I դդ. երկաթե արտադրանքի մետաղագրական ուսումնասիրությունները եկան հաստատելու, որ այդ դարաշրջանում երկաթի մշակությունը գտնվում էր զարգացման բարձր մակարդակի վրա: Երկաթյա առարկաները մշակվում էին հմտորեն, առանց տեխնոլոգիական աչքի զարնող թերությունների: Առկա էր նեղ մասնագիտացում՝ դարբնության անջատում: Մասնագետ դարբինը կատարելապես տիրապետել է ազատ կռման համարյա բոլոր պրոցեսներին և ստեղծել բարձրորակ արտադրական միջոցներ: Մյուս կողմից, դարբին վարպետները կարողացել են ստանալ այդպիսի միջոցների պատրաստման համար մեխանիկական բարձր հատկություններով, անհրաժեշտ ածխածնային պարունակությամբ բարձրորակ հումք՝ պողպատ: Հմտություններ էին կուտակվել գործիքների տարբեր մասերի պատրաստման համար տարբեր որակի նախապատրաստուկներ օգտագործելու ուղղությամբ՝ ընտրելով աշխատող սայրի համար ածխածնով ամենաբարձր հագեցում ունեցող մասը (12, էջ 162):

Մի փոքր այլ էր մյուս նյութերից գործիքներ պատրաստող վարպետների հարցը: Մետաղածուլության հետ կապված հարմարանքները՝ կթխաները, կաղապարները, գդալները կարող էր պատրաստել թե՛ խեցեգործ վարպետը, թե՛ յուրաքանչյուր արհեստի մեջ այդ միջոցները օգտագործող վարպետները՝ վերը թվարկված առարկաները՝ մետաղագործ վարպետը, ձկնորսական և ջուլիակագործական կախիկները՝ ձկնորսը կամ ջուլիակը: Նույն վիճակը

պետք է տիրեր նաև ոսկրե, փայտե գործիքների պատրաստման և մանածագործության տեխնոլոգիայում: Անցած լինելով զարգացման մեծ ճանապարհ և ունենալով զարգացման բավարար մակարդակ, դրանք կարող էին զարգանալ տնայնագործության պայմաններում ևս: Եվ Հայաստանը բացառություն չէր, քանի որ անտիկ

աշխարհի ամենազարգացած երկիր Հունաստանում նույնիսկ, այս արհեստները տնայնագործ էին և դրանցով զբաղվում էին տնտեսական հիմնական զբաղմունքներից ազատ ժամանակ, ինչպես նշում է Դեմոսթենեսը (241, XLVII, 72);